

Paerewa Paetae

Aronga	Hauora 1.4			
Ingoa	Te whakaatu māramatanga mō te whanaungatanga			
Kaupae	1	Whiwhinga	4	Aromatawai Ā-waho
Marau akoranga	Te Marautanga o Aotearoa			
Kokonga akoranga	Hauora			
Mana rēhita			Te rā i mana ai	
Te rā e arotakengia ai			Te rā i puta ai	

Te Hononga ki te Marautanga

I ahu mai tēnei paerewa paetae i te Taumata 6 o *Te Marautanga o Aotearoa*, i whakaputaina e Te Tāhuhu o te Mātauranga i te tau 2017.

Whāinga Paetae

Taiao, Hononga ki ētahi atu

2 *Ka tūhura i te mahi me ngā tikanga whaihua o te rohe, o te motu hei whakatairanga i te noho ora o te tangata me te noho haumaruru i roto i ngā taiao.*

Tangata, Whanaungatanga

1 *Ka tūhura me pēhea ngā whanonga, ngā uara me ngā waiaro o te tangata takitahi, o te rōpū hoki e pāpā ana ki te mauritau o tētahi atu.*

Tangata, Huatau o te Whanaungatanga

2 *Ka whakarite rautaki me te whakaatu i ngā pūmanawa mahi e taea ai te aro ki ngā horopakī mātātaki i runga i te wairua tōtika.*

3 *Ka whakaatu i tōna mārama ki ngā āhuetanga e puta ai te tuakiri whaiaro o te tangata, kia taea ai te whakanui i tōna tū motuhake me te tiaki i tōna orange waiura, orange hinengaro, orange tinana.*

E hono ana ki te Papa Whakaako mō te Hauora kei te pae tukutuku nei:

<http://tmoa.tki.org.nz/Te-Marautanga-o-Aotearoa-Taumata-Matauranga-a-Motu-Ka-Taea>

Te Hononga ki ngā Paearu Aromatawai

Arā ngā Paearu Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa-Taumata-Matauranga-a-Motu-Ka-Taea>

Paerewa Paetae

<p>Paetae Te whakaatu māramatanga mō te whanaungatanga.</p>	<p>Hei tohu i te paetae:</p> <ul style="list-style-type: none"> ● Ka tautohu i ngā āhuratanga matua o te whanaungatanga me te hononga ki te oranga.
<p>Kaiaka He kaiaka te whakaatu māramatanga mō te whanaungatanga.</p>	<p>Hei tohu i te kaiaka:</p> <ul style="list-style-type: none"> ● Ka whakaahua i ngā āhuratanga matua o te whanaungatanga me te hononga ki te oranga.
<p>Kairangi He kairangi te whakaatu māramatanga mō te whanaungatanga.</p>	<p>Hei tohu i te kairangi:</p> <ul style="list-style-type: none"> ● Ka whakamārama i ngā āhuratanga matua o te whanaungatanga me te hononga ki te oranga.

Kōrero Āpiti

- 1 E whai ake nei ngā whakamārama mō ngā kupu me ngā kīanga whai take matua o te paerewa nei:

whanaungatanga	Te hononga ā-whakapapa, ā-toto, tētahi atu momo hononga rānei o te tangata ki tētahi atu e kīia ai he whanaunga, he hoa tata rānei (<i>He Pātaka Kupu</i>).
ngā āhuratanga matua o te whanaungatanga	<p>Ko ētahi āhuratanga e pā ana ki te whanaungatanga, ko ēnei:</p> <ul style="list-style-type: none"> ● whakapapa ● whānau, hapū, iwi ● whakawhanaungatanga ● aroha ● wairuatanga ● manaakitanga ● kotahitanga ● ūkaipōtanga ● rangatiratanga ● pūkengatanga ● tauutuutu ● te āhua/tikanga o te whakawhanaungatanga o mua, o nāiane hoki.
hononga ki te oranga	<p>Koia nei ētahi:</p> <ul style="list-style-type: none"> ● te noho tahi a ngā tēina me ngā tuākana ● te aroha me ngā taura tangata ● ngā hua o te mahi ngātahi ● te pānga ki te tuakiri o te tangata

	<ul style="list-style-type: none"> ● te tautoko, te atawhai ● te mana o te whānau, o te hapū, o te iwi ● te kiritau ● he kitenga kanohi, he hokinga mahara.
tautohu	Ka whiriwhiri, ka whakaaro he aha ngā tino o tētahi kaupapa, o tētahi āhuetanga rānei e aronuitia ana. Ka taunakitia hoki ngā whakaaro.
whakaahua	Ka whiriwhiri, ka whakaaro he aha ngā tino o tētahi kaupapa, o tētahi āhuetanga rānei e aronuitia ana. Ka taunakitia ngā whakaaro. Ka mutu, ka āta kōrerohia ngā taipitopito.
whakamārama	Ka whakatau he aha ngā tino o tētahi kaupapa, o tētahi āhuetanga rānei e aronuitia ana. Ka āta taunakitia hoki ngā whakaaro. Ka mutu, ka āta kōrerohia ngā taipitopito me ngā take i pērā ai te whakaaro. Arā, ka whakautu i te pātai 'He aha ai?', i te 'Ka pēwhea?' rānei.

Kuputaka

wairuatanga	spirituality
manaakitanga	kindness, generosity, support, care for others, hospitality
kotahitanga	unity, togetherness, solidarity, collective action
ūkaipōtanga	nurturing, place where one is nurtured
rangatiratanga	right to exercise authority, chieftainship, sovereignty, self-determination
pūkengatanga	expertise, talents, teaching, scholarship
tauutuutu	reciprocity
kiritau	self-esteem, self-worth

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233